



Beeld: ©NP/Hollandse Hoogte/Robin Utrecht

22 april 2024

## Prologo

Durante ultimo lunanan, nos a tuma paso importante despues di disculpa. Nos a logra un reparticion di e recursonan pa Hulanda Europeo, e parti Caribense di Reino, y Suriname. Tambe, e areglo pa Hulanda Europeo y e parti Caribense di Reino a bay den consulta via internet. Awe, dia 22 di april, nos a informa Tweede Kamer tocante esaki den forma di un carta di continuacion. Pa mas informacion tocante e avance y e carta di continuacion, por lesa e boletin di noticia aki.

Ademas, nos ta inclui boso den creacion di un dialogo comunitario mas amplio. Ta diseña e dialogo aki pa trece un comprendemento mas amplio di nos pasado di sclavitud den comunidad, cua ta fundeshi importante pa tur intensificacion di maneho y iniciativa comunitario.

Pa finalisa, nos ta conta boso tocante e campaña 'Historia di nos tur' ('Geschiedenis van ons allemaal'), y su variante cu ta implementa den e parti Caribense di Reino, cu e meta pa aumenta e conocimiento y consciencia tocante nos pasado di sclavitud.

## Carta di continuacion Tweede Kamer 22 di april 2024

Riba 22 di april, 8 persona na cargo a manda un carta di continuacion na Tweede Kamer. Den e carta, ta raporta tocante continuacion di e trayecto di continuacion a base di e disculpa pa pasado di sclavitud, manera a compromete den e carta di continuacion di 23 di juni di e aña aki. Bo por lesa e carta completo [aki](#).

Un parti importante di e carta ta reparticion di e 200 miyon euro disponibel pa medida cu ta duna atencion na e pasado di sclavitud. Den e carta, e miembronan di gabinete encarga ta splica pakico a tuma cierto desicion pa determina reparticion di e placa. Un parti importante di esaki tabata pa reparti e 200 miyon destina pa pasado di sclavitud pa Hulanda Europeo, e parti Caribense di Reino y Suriname.

## Un dialogo amplio den comunidad

Cu 1 di juli, inicio di Aña di Conmemoracion, pasado di sclavitud ta e topico mas prominente riba agenda di nos comunidad. Disculpa di Rey y su peticion pa pordon a hala hopi atencion. Durante Aña di Conmemoracion, gobierno a inverti den pone y mantene atencion riba pasado di sclavitud. Esaki no solamente pa haci e persona directamente relaciona, pero tambe e persona cu posiblemente no ta comprende completamente kico tabata e impacto di pasado di sclavitud, haya sa cu esaki ta un topico cu ta concerni nos tur. Mas den e boletin di noticia aki, nos ta comparti mas tocante e campaña online 'Historia di nos tur'.

Banda di e campaña aki, ta esencial pa crea un envolvimento amplio di comunidad riba pasado di sclavitud. Esaki ta conta specialmente pa persona cu no ta sinti un conexion directo cu pasado di sclavitud, pero cu den practica diario ainda tin cu trata cu e consecuencianan sin sa. Esaki ta stimula un comprension comun di nos pasado. Kico nos ta conmemora y pakico ta importante pa gobierno

inverti den iniciativa comunitario y adaptacion di maneho?

Pa stimula e combersacion aki, nos lo bay en busca di persona den e luna venidero na festival, den centro di ciudad, na club di deporte of na otro luga unda hende ta reuni. Asina lo surgi diferente dialogo entre diferente hende, pasobra e drempel pa cuminsa e combersacion ta mas abou.

Preparacion pa e combersacion aki ta den full swing. Nos ta spera cu e prome combersacion lo tuma luga na juni. Pa pone e dialogo comunitario amplio aki riba pia, nos ta traha di cerca cu Public Cinema y Stichting de Balie. Pero tambe cu otro persona, cu ta yuda nos trece e topico sensitivo aki di manera adecua y respetuoso dilanti. Pa duna forma na e dialogo, nos lo uza un 'starter di combersacion'. E starter di combersacion aki ta un variante di e wega 'Ken mi Ta'. E forma aki ta trece hende mas facil cerca otro, y ta percura pa combersacion di manera mas accesibel tocante pasado comparti di esclavitud. For di juni te cu september nos lo pone e starter di combersacion aki na 25 luga den henter e pais. Den un proximo boletin, cu mucho gusto nos lo hiba boso cu nos den e forma concreto y realizacion di esaki.



### **Campaña online 'Historia, di nos tur' ('Geschiedenis, van ons allemaal')**

Mas dialogo entre hende y conscientizacion tocante nos pasado comparti. Cu e meta ey, Ministerio di Enseñansa, Cultura y Ciencia a cuminsa na december pasa cu e campaña online 'Historia, di nos tur'. Den un serie di video, contador di storia ta sambuya den nan propio historia y ta explora tanto pasado como presente. Te cu awor a publica 4 combersacion, entre otro cantante Shirma Rouse y filmmaker Safi Graauw, docente Lucelle Comvalius y ilustrador George Adegite, diseñador di moda Lukas Eleuwarin y escritor Jill Mathon, y entre regisor Hesdy Lonswijk y escritor Carmen Felix (foto).

Durante e lunanan venidero lo tin mas combersacion entre Prof. Soortkill (entre otro escritor), Lex Bohlmeijer (presentador), Stefanie Albertzoon (actriz y artista) y Charissa Chotoe (presentador y poeta). E storianan aki tambe ta comparti riba OCW-verhalen.nl y canal di medio social di ministerio y minister Dijkgraaf. Sigui specialmente nan medio social!



### **'Hoben ta papia' - Comunicacion tocante Aña di Conmemoracion Caribe Hulandes**

'Hoben ta papia' ta e traduccion di e campaña 'Historia di nos tur' ('Geschiedenis van ons allemaal') den un contexto Caribense. Den e documental aki, hobennan entre 16 y 18 aña for di e parti Caribense di Reino ta comparti nan pensamiento

tocante nos pasado di sclavitud cu nos ta comparti. For di Corsou te cu Sint Maarten ta discuti e impacto di e pasado aki riba bida diario abiertamente. Door di combersacion tocante hirarkia, dinamica familiar, consecuencia economico y un bista di speransa pa futuro, nan ta enfatisa e complehidad di e topico. E stem hoben aki no solamente ta brinda comprendemento di pasado, pero tambe ta haci yamada pa cambio y progreso pa e futuro generacion. Den e lunanan venidero e comunicacion aki lo cuminsa.

### **Collegetour**

Dia 24 di juni ta tuma luga e di tres edicion di Collegetour na Alfa College na Groningen. Minister Dijkgraaf, hunto cu Secretarionan di Estado Van Ooijen y Van Huffelen ta bai papia cu studiantenan y esnan interesa tocante e influencia di pasado di sclavitud. E mandatarionan ta curioso pa sa punto di bista di e studiantenan y con e tema aki a influencia nan bida y cua cambio nan kier mira. Un paso interesante y esencial den e proceso di reconocemento y accion.



### **Speciaal Gezant Relacion Exterior**

Durante e periodo pasa, e Speciaal Gezant pa pasado di sclavitud designa pa ministerio di Asunto Exterior, den cooperacion cu embahada Hulandes na Paramaribo, a continua su trabou na Suriname. Te awe, e Speciaal Gezant a biaha seis biaha pa Suriname y a tene combersacion cu e coordinador designa pa gobierno di Suriname pa pasado di sclavitud, ex-minister Silvano Tjong-Ahin. Ademá, e ta papia cu un cantidad grandi di descendiente y otro persona involvi, incluso representante di comunidad indigeno y comunidad maron na Suriname. A base di resultado di e dialogo amplio aki, Suriname tin e intencion di funda un plataforma caminda un cantidad di representante di e grupo mas involvi lo forma parti di dje. Presidente di Suriname lo instala e plataforma aki. E plataforma aki ta duna Suriname y Hulanda e oportunidad pa sostene un dialogo enfoca riba e reparticion di fondonan disponibel (e 33,3 miyon euro pa iniciativa comunitario y 33,3 miyon euro pa intensificacion di maneho).

### **Pa finalisa**

Tin algun tema cu bo kier mira bek den e boletin aki, of bo kier papia cu nos? E ora cordialmente nos invita bo pa acerca nos via:

[PostbusProgrammaSlavernijverleden@minbzk.nl](mailto:PostbusProgrammaSlavernijverleden@minbzk.nl)